

• [明] 茅坤 編

唐宋八大家文鈔

第十冊 王安石文鈔

吳山書社

王文公文鈔

目錄

王文公文鈔引·····	(四九五三—四九五八)
王文公本傳·····	(四九五九—四九六四)
王文公文鈔目錄·····	(四九六五—四九九〇)
王文公文鈔 卷一·····	(四九九一—五〇二八)
王文公文鈔 卷二·····	(五〇二九—五〇五八)
王文公文鈔 卷三·····	(五〇五九—五一二八)
王文公文鈔 卷四·····	(五一二九—五一六八)
王文公文鈔 卷五·····	(五一六九—五二二〇)
王文公文鈔 卷六·····	(五二二一—五二四四)

王文公文鈔	卷七	(五二四五—五二七六)
王文公文鈔	卷八	(五二七七—五三〇六)
王文公文鈔	卷九	(五三〇七—五三五〇)
王文公文鈔	卷十	(五三五一—五三九六)
王文公文鈔	卷十一	(五三九七—五四四八)
王文公文鈔	卷十二	(五四四九—五四九〇)
王文公文鈔	卷十三	(五四九一—五五三六)
王文公文鈔	卷十四	(五五三七—五五八二)
王文公文鈔	卷十五	(五五八三—五六一八)
王文公文鈔	卷十六	(五六一九—五六五四)
文鈔跋		(一一八)

王文公文鈔引

王荆公湛深之識幽渺之思大較並本
之古六藝之旨而於其中別自爲調鑱
刻萬物鼓鑄群情以成一家之言者也
其尤最者上仁宗皇帝書與神宗本朝
百年無事諸劄子可謂王佐之才此所
以於仁廟之鎮靜博大猶未能入而至

於熙寧元豐之間刼主上而固魚水之
交譬則武丁之於傳說孔明之於昭烈
不是過已惜也公之學問本之好古者
多而其措注當時亦狃於泥古爲患况
以矯拂之行而兼之以獨見以執拘之
資而恣之以私臆所以呂章邢蔡以下
紛紛附會熒惑天子流毒四海新法旣

壞并其文學知而好之者半而厭而訾
之者亦半矣以予觀之荆公之雄不如
韓逸不如歐飄宕疎爽不如蘇氏父子
兄弟而匠心所注意在言外神在象先
如入幽林邃谷而杳然洞天恐亦古來
所罕者予每讀其碑誌墓銘及他書所
指次世之名臣碩卿賢人志士一言之

予一字之奪並從神解中點綴風刺翩翩乎凌風之翩矣於史漢外別爲三昧也予首錄其上仁宗皇帝書一首次及劄子疏狀七首表啟三十六首與友人書三十五首序十二首記二十二首論原說解雜著二十五首碑狀墓誌銘表及祭文七十三首釐爲一十六卷歸安

鹿門茅坤題

人益部官其父鄉安石少好讀書一
日身下之職又動事如飛見其情也安石曰
宋歐陽修修為廷舉登進士上第書淮南判官舊制秩滿許
獻文求試館職安石曰不再調何難縣丞提舉決波塘為水陸
之利責數與眾立思以資俾新歲日勿邑人便之通判舒州校
書為相薦其恬退尋召試館職不就修薦為諫官以祖母年
高辭修以其須祿養言於朝用為監牧判官請知常州移提點
江東刑獄人為度支判官時嘉祐三年也安石果於自用慨然
有矯世變俗之志乃上萬言書後安石當國其所注措大抵皆

予一字...
也予首錄其仁宗皇帝詩一首次及
御子...
書三十五首...
原說解...
...

王文公本傳

王安石字介甫臨川人父益都官員外郎安石少好讀書一過目終身不忘屬文動筆如飛見者皆服其精妙友生曾鞏攜以示歐陽修修爲延譽登進士上第簽書淮南判官舊制秩滿許獻文求試館職安石獨否再調知鄞縣起堤堰決陂塘爲水陸之利貸穀與民立息以償俾新陳相易邑人便之通判舒州文彥博爲相薦其恬退尋召試館職不就修薦爲諫官以祖母年高辭修以其須祿養言於朝用爲羣牧判官請知常州移提點江東刑獄入爲度支判官時嘉祐三年也安石果於自用慨然有矯世變俗之志乃上萬言書後安石當國其所注措大抵皆

祖此書俄直集賢院先是安石屢辭館閣之命士大夫謂其無意於世恨不識其面朝廷每欲畀以美官惟患其不就也明年同修起居注疏辭至八九乃受遂知制誥糾察在京刑獄自是不復辭官矣有少年得鬪鶉其儕求之不與恃與之昵輒持去少年追殺之開封當此人死安石駭日不與而持去是盜也追而殺之是捕盜也遂劾府司失入事下審刑大理皆以府斷爲是詔放安石罪安石不謝御史舉奏之帝亦不問以母憂去終英宗世召不起安石本楚士未知名於中朝以韓呂二族爲巨室欲藉以取重乃深與韓絳絳弟維及呂公著交三人更稱楊之名始盛神宗在賴邸維爲記室每講說見稱輒曰此維之友

王安石之說也及爲太子庶子又薦自代帝由是想見其人甫卽位命知江寧府數月召爲翰林學士兼侍講熙寧元年造朝帝問爲治所先對曰擇術爲先帝曰唐太宗何如曰陛下當法堯舜何以太宗爲帝曰卿可謂責難於君一日講席群臣退帝畱安石坐曰有欲與卿從容論議者因言唐太宗必得魏徵劉備必得諸葛亮然後可以有爲二子誠不世出之人也安石曰陛下誠能爲堯舜則必有臯夔稷禹誠能爲高宗則必有傳說彼二子者何足道哉二年拜參知政事帝謂曰人皆不能知卿以爲但知經術不曉世務安石對曰經術正所以經世務爾帝問卿施設何先安石曰變風俗立法度最方今所急也於是設

制置三司條例司命與樞密陳升之向領之安石令其黨呂惠卿任其事而農田水利青苗均輸保甲免役市易保馬方田諸役相繼並興號爲新法遣提舉官四十餘輩頒行天下青苗法者以常平糴本散與人戶出息二分春散秋斂均輸法者以發運之職改爲均輸假以錢貨凡上供之物皆得徙貴就賤用近易遠預知在京倉庫所當辦者得以便宜蓄買保甲之法籍民二丁取一十家爲保保丁授以弓弩教之戰陣免役之法據家資高下出錢僱役單丁女戶原無役者一槩輸錢謂之助役市易之法聽人賒貸縣官財貨出息二分過期不輸者加罰錢保馬之法凡五路義保願養馬者戶一匹以監牧見馬給之或官

與其直使自市歲一閱其肥瘠死病者補償方田之法以東西
南北若干步爲一方歲計量其地驗其肥瘠定其色號分五等
以定稅數又有免行錢者約京師百物諸行利入厚薄皆令納
錢與免行戶祇應自是四方爭言農田水利古陂廢堰悉務興
復又令民封狀增價以買坊場又增茶鹽之額又設措置河北
糴便司廣積糧穀于臨流州縣以備饋運由是賦斂愈重天下
騷然云云帝亦疑之遂罷爲觀文殿大學士知江陵府自禮部
侍郎超九轉爲吏部尚書始呂惠卿遭喪去安石未知所托得
曾布信任之亞于惠卿及惠卿服闋安石朝夕汲引至是白爲
參知政事安石之再相也屢謝病求去及雋死尤悲傷不堪請

益力帝益厭之罷爲鎮南軍節度使同平章事判江寧府明年改集禧觀使封舒國公元豐三年復拜左僕射觀文殿大學士換特進改封荆哲宗立加司空未幾卒年六十八贈太傅紹聖中謚曰文配享神宗崇寧中配食孔廟列顏孟之次追封舒王初時言於欽宗降從祀高宗復停宗廟配享削王封理宗復停孔廟從祀